

澤州府志

方輿

第三册

澤州府志卷之十

形勝

堯舜禹悉都冀然廣矣晉文悼興前啟南陽而趙闢無窮之門於是形勝全固與卜年相終始澤界在晉南壓太行中脊勢若建瓴秦必拔上黨而後臨中原其審勢則得矣昔人謂晉地陘瘠不可都故三代後不建此土而東向者必爭誠險固地也受民社而守邦國宜胸有全形目具勝勢維藩維城廼固有之志形勝

澤州府

山北之塞出入之迂列子

固塞險阻之地說苑

河東藩蔽唐書

澤州府志

卷之十

形勝

全居山內土瘠地狹

唐杜牧之澤潞用兵書

肘京洛而履蒲津倚太原而跨河朔

杜牧之賀平澤潞頌

腹中之眼

田悅

兩淮咽喉

宋史

南倚太行王屋西連底柱析城背控燕雲襟帶河朔

通志

禹貢底柱析城至于王屋太行皆在州境是全有太行之險

固通考

鳳臺縣

全有太行之險固實為東洛之藩垣

通志

南倚太行王屋西連底柱析城羣峰周圍險絕千里

唐矣議

唐為雄鎮山川環抱有自然之險固

舊郡志

山高澗深道路嶮仄

古州志



太行山連亘數州為河北脊河北諸州皆旋其趾王樵私箋

高平縣

左帶翠屏右阻倉嶺遊仙朝其南羊頭鎮其北舊志

秦晉脣齒河朔咽喉題名記

四面皆山中有平地方輿勝覽

太行險固東路藩垣舊志

層山環抱曲水縈流砦堡皆險阻之區高平悉耕鑿之地縣志

陽城縣

崦山聳後析城拱前沁水遶左壑山雄右岡隴之勢四面渾

成形勝之奇一方巨鎮舊志

當太行之腹省會之南包鑄羣山襟帶眾水前志

土地磽确坡坂崎嶇山谷深峻林菁叢茂縣志

澤州府志

卷之十 形勝

陵川縣

在太行之顛天壤間清涼境也元遺山集

佛山之高黃河可曉五度之險一夫可守民安其中四塞為

固鮮罹兵革之擾舊志

萬峰環列通氣最遲通志

突中一窩天機會元

俯視中州九千四百八十仞文太清集

萬山環竒王屋拱翠天地之奧區學記

寒岩六月始知春唐人詩

沁水縣

前歷山而後橫嶺左空倉而後烏關環拱有自然之固勝槩

為天成之險舊志

山峭厲而水清冽 學記

四面皆山沁流貫其中亦巖邑奇觀也 縣志

山谷險阻溪壑清冽地僻巖深 舊郡志

支分太行之秀氣聯王屋之奇龜蛇呈形金水結聚羣山環

拱衆壑滌洞地嶮出于天成勝槩收其精氣 邑令邱璐記

背碧峰面石樓左龍岡右鳳原後有玉嶺前有文峰梅溪左

繞杏水右環 邑人衛天民記

澤州府志

卷之十 形勝

三

卷之十終

